

金鄉縣志卷一

星野

粵稽舜齊七政禹奠九州莫不上合星辰以正厥時以分厥壤所謂在天成象在地成形也故仰觀俯察人事之休咎徵焉金鄉以蕞爾介在徐兗躔度易淆歷代天文家論之固詳而魯分宋分難於一定其從房心為次者亦曰重因耳志星野

天文志房心在卯自氏二度至尾二度屬宋分徐州今開封陳留封丘以東及歸德亳商分壽州之東界與宿州今宿州徐州今徐州濟寧今濟寧州曹縣今曹縣單縣今單縣皆宋

金鄉縣志

卷一

星野

一

分也

禹貢大野既豬在徐州之域星分房心度

晉天文志魯國西南入心三度

唐天文志房氏心大火也自雍丘襄邑小黃而東循

濟陰界左齊魯右泗水達於呂梁東南接太昊之

墟盡楚國豐沛之地古宋今歸德府曹今曹縣邲今任滕

今滕縣緡今金鄉郟今武城蕭今蕭縣葛今寧陵向城今宿州向城今宿州縣

偃陽今嶧縣申父之國舊申州商亳負北河陽氣之所

升也為心分豐沛負南河陽氣之所布也為房分

本省通志星圖書後曰昔蘇軾志地里作分星總圖

又推唐一行之說作山河兩戒圖許洞虎鈐經分十二次各為一圖左列星漢右列山河郡縣配之余取其分野之在山東者為圖凡四列焉女虛危星曰元枵宮曰寶瓶辰曰子州曰青為齊分室壁星曰陬訾宮曰雙魚辰曰亥州曰并為衛分奎婁星曰降婁宮曰白羊辰曰戌州曰徐為魯分氏房心星曰大火宮曰天蠍辰曰卯州曰豫為宋分以兩戒南北推之自北河下流南距泰山為三齊南河下流北距岱宗為鄒魯以雲漢升降推之南正達於西正得雲漢升氣自北正達於東正得雲漢

降氣然則山東其當山河之會而得升降之中乎一行之說精矣乃若歷代郡縣之舛易十二星次之歲差古今不能盡合志已悉辨故是圖也仍用古州郡名觀者以今地理測之可矣善乎歐陽修之言曰虞夏秦漢郡國廢置不同或者猶據漢地里志推之是守甘石遺術而不知變通也尚足與論星野乎

按萬曆七年楊志附論有曰金鄉接大野為徐州之域舊志為豫州非也觀此知以前分野曾屬豫州又曰唐天文志謂商亳負北河陽氣之所升也

為心分則金鄉當入心度而晉天文志亦謂魯國西南入心三度金鄉為魯西南邑則入心三度明矣觀此知以後分野是以改屬徐州乃傳志於康熙十二年修輯既仍其圖列其說矣不知何所見而首叙又云細驗入角六度得毋以晉天文志於郡邑躔次載東平任城山陽入角六度而惑之歟慨自來談天不一家旁叅互訂終不免於矛盾嘗考通志新舊星圖並列舊圖以昌邑屬奎婁魯分未知孰的大抵省濶郡次之縣則秭米耳非推測入微難免千里之失今依房心為次重因也故摘

通志星圖書後附載之以俟博物者折衷可乎

金鄉縣志卷一

疆域

昔者先王畫土分治其建邦之小大不同而巡行所至慶罰行焉金鄉為古緡國當魯宋之交兗徐之介蓋名封也自秦改郡縣歷代沿革無常然壤地猶存形勝具在所謂變而不變也志疆域

縣在兗州府治西南一百八十里廣五十里袤八十一里東界魚臺縣崔村一十五里西界城武縣白浮圖四十里南界單縣石塔鋪三十里北界嘉祥縣何城村四十里東至魚臺縣五十里西至城武

金鄉縣志

卷一

疆域

四

縣九十里南至碭山縣一百八十里北至嘉祥縣九十里東南至豐縣一百里西南至單縣七十里東北至濟寧州一百里西北至鉅野縣九十里北至京師陸路一千三百里水路一千九百里南至江寧陸路一千一百里水路一千五百里

沿革

夏為緡帝相娶有緡氏為妃是也左傳曰夏桀為仍之會有緡叛之

周古緡國僖公二十三年齊侯伐宋圍緡即此地也泰為昌邑縣屬薛郡

漢為東緡縣屬山陽郡初景帝中別置山陽國武帝
天漢四年更名昌邑以封子髡為昌邑王孫賀繼
後國除復為山陽郡

後漢司隸校尉魯恭于縣北三十五里鑿石為塚得
白兔乃不葬更於山南而得金即名金鄉山因改
縣為金鄉

晉為高平國治金鄉屬焉省東緡

宋

齊並因之

魏省昌邑入金鄉

金鄉縣志

卷一

疆域

五

隋開皇十六年置昌邑大業二年省昌邑入金鄉屬
濟陰郡

唐武德四年於金鄉置金州領方與金鄉二縣五年
又析金鄉置昌邑改金州為戴州八年又省昌邑
入金鄉貞觀十七年罷戴州以金鄉方與屬兗州
五代周顯德初屬濟州
宋時仍屬濟州

紹興十二年河決惟金鄉獨存金移濟州治於金
鄉後復故地仍隸濟州

元改濟州為濟寧路金鄉屬之

明吳元年義兵下山東縣尹劉翀率民歸附屬濟寧
府洪武十八年改濟寧為州兗州為府以金鄉屬
兗州府

國朝屬兗州府

形勝

左通漕渠右臨大野黃河抱其前陽山峙其後兗
汴咽喉徐泗肘腋

金鄉縣志

卷一

疆域

六

金鄉縣志卷一

山川

境有莫麗其屹然而峙悠然而流者固坤維所凝
結而迴環者也金鄉無崇岡巨澤以備出雲通氣
山則丘阜焉耳水則溝澮焉耳且地勢卑下雨集
易盈昔人曰無山之利有水之害洵哉志山川

山附堆阜

陽山在縣西北二十五里以在群山之陽故名其
山在縣西北二十五里以在群山之陽故名其

如屏名曰石屏

葛山在陽山後山勢峻拔以山下
居在陽山後山勢峻拔以山下

金鄉縣志

卷一

山川

魚山在縣北三十五里其南山有山有迴龍寺
接在陽山東二里見郡志

吳山在寓此講業故里名見郡志
之在此講業故里名見郡志

高平山在縣西北三十五里經註曰高平山連其
西十里南北五里四里與眾山相連其

頂方山名取焉之郡曰金鄉之故山也今邑
無此山名以地求之蓋即金鄉之故山也今邑

按高平山即今鉅野之金鄉山既不在境內何
以志之不忘所自也忘所自者何縣號曰金鄉

由山而得名也據郡志上經註矣其縣名曰高
平山列于陽葛諸山之援則可知矣故縣志因高

之易舊金鄉山
為高山云

春城堆在縣東三里形如阜今迎春於其
處取東郊之義即晉太尉郗鑒故居

魚垞堆在縣西八里有皇廟地
狀若魚然上玉皇廟地

王家岡在縣西北三十里陽山之
東環岡居民多王姓者

金莎嶺 抵在縣東一里官道左此嶺東自魚臺西

地得名實皆金莎嶺也上多莎草

鳳凰嶺 四在縣治北

縉城阜 鄉在城北許北

徐家堆 居在雞黍城東北

秀峯堆 頭在城南二十五里乾魚寺

萬春堆 里在城西南三堆

川 附溝井

壽河 涑在縣治東儒學前四瀦環流源與

涑河 水在縣北門外抵縣東門外亦有涑河太守劉

金鄉縣志

卷一

山川

八

正奉詩云古後漸堙今故道航泊存

寬河 六在城東

黃母河 二按縣碑記南遷於豐沛今河跡也元至元

馬河 至在城北二十五里新方達南湖

石家河 北在縣西

三家灣河 鄉在縣北十里來自鉅野經城武界入金

新挑河 未西自城武東入舊漕河緣魚臺東北洩不

及動輒倒灌金鄉每大受

蔡家河 滿在黃堆秋集虎山唐家窪十五丈上通嘉祥縣

店

周家橋河

去城東北五里餘上接蘇家橋河由高

縣沈澹

渠家橋河

去城東北四里餘上接入北天寺河胡

熙四十八年沈澹

蛭溝

亭在縣西南八里東邊谷

清泉井

在儒學內

甘泉井

在養濟院南

石羊井

在縣治西關其傍有石羊

惠民井

在儒學內百步外知縣盛德因建望

賽雨井

在縣治南堤之下

金鄉縣志

卷一

山川

九

福泉井

在城北六里道傍因挑路掘出

古井

在東門北

義井

在皇廟前新甃知縣李國泰有碑記

靈鎮井

在靈集鎮

按井為坎水天西南有玉井軍井從坎也昔鄭占有火而子產修井泉疏溝渠鄭卒不火然則亢修水政其旨微矣哉 見舊志

邑有水道重溝洫也金鄉東南與豐魚接壤地勢卑下且承曹濮定鄆城嘉鉅單八州縣之上流稍不通利是隣壑也按舊志載河者八如壽而涑而

黃母當金元時早就堙塞即城南新挑河乃明嘉靖間所濬以魚臺東北垠阻不能下及致流緩而淤淺歲增有每每受惠民甚苦之之論則金鄉之水道失利蓋已久矣淵蒞事之四年秋偶陰霖積日士民輒告灾紛集心竊異之因而徧歷郊原周諮父老始知陽侯之虐非天行使然實人事未修所致也夫上流既衆勢宜分洩今不惟古河堙塞而新河亦淤澱居多所恃分導者止城南之新挑河與城北之石家橋河耳南則通曹定城單之水歷蘇家橋下達北則通濮嘉鄆鉅之水歷石家橋

而至道溝與南河合流東踰高河店橋及魚境之張家庄先是張家庄前原有大河一道通流入南陽湖自康熙三十年間魚臺前令馬君狗一已之見謀於濟寧前牧吳君與本邑前令梁君即庄前大河橫築東西壩以截其流而於壩之南疏小河寬僅丈許引流折入孫家橋逶達柳溝以入於湖河益隘折而洩益需遲迄今金魚之民並被其害何者金鄉為曹濮等八州縣之下流而魚臺又為金鄉之下流昔多其分洩尚慮不足敵衆水之滙歸况今專恃柳溝一道以入於湖而中間復有重

橋相望束緩其流乎淵目擊情形不得不亟圖改
計曾備陳水道失利之故繪圖疊詳各臺使以
速開張家庄大壩為請無如奉批查議而壩東魚
濟之民不悟利則交利必欲阻之借偪近漕河恐
其妨運為口實終格不行殊不知張家庄前舊河
既寬大且地勢本下合水之性達湖最速何妨運
之有視今踰張家庄紆而南由孫家橋達柳溝其
順逆難易正大相懸蓋柳溝狹小又地勢較高其
達河不及張家庄舊河十之一二不過當日築大
壩後疏濬之以通下流者初不念來衆去獨加之

高下不同疾遲迥別無怪乎一遭連雨上流分集
下達不能金鄉獨受腹滿之患也自此開壩之請
既不諒於隣人分流之方端合籌之當境不得已
而思其次於康熙四十八年春就南河之由蘇家
橋而北赴道溝與北河合流者中踰周家橋去蘇
家橋里許舊有漫流東衝如帶跡尚宛然因率近
庄諸農戶畚鍤時舉開成支河一道計長十里分
流下歷北天寺直至孫家橋又城東渠家橋接豐
縣西北之水與化雨等方積水合舊有河北流亦
歷北天寺而至孫家橋者雖淤久形跡猶存於是

年春並加疏濬計長八里許縱於水道不足收其全效然羣流所集方鬱而待宣區區分洩之亦足少助下達之勢所謂得尺則尺得寸則寸也要之治水無他術所重在下流苟下流無滯則上流暢行若徐若沛不又為魚臺之下流乎聞荆山口日漸阻堙水無歸宿限於隔省呼應難通徒使數州縣民頻罹狂瀆之苦噫果天為之乎地為之乎故曰人事未修所致也淵自揣迂拙守土八年一切循分初無惠政及人惟水道為地方大利大害所關稔欲清本澄源俾吾民永遠享溝洫之利詎料

時與志違卒無成議耿耿寸心直與柳溝同其抑塞良可慨也因志山川附書於末後之君子倘乘得為之勢能力圖之以拯此一方民則於淵之夙願庶其少酬乎

八景

附

莎嶺春晴

陽山雪霽

墳臺峙秀

壽河煥文

僊橋步月

寶塔摩空

春城晚照

涑水朝烟

金鄉縣志

卷一

山川

十三

金鄉縣志卷一終